

<i>Esp.</i>	<i>Ebazpena</i>		<i>Eragindako Administrazioak</i>		<i>Kontzeptu</i>
12/2009	R8/2011	28/03/2011	<i>Estatuko Administrazioa</i>	<i>Bizkaiko Foru Aldundia</i>	<i>Administrazio demandatuak amore ematea</i>

## **R 8/2011 ebazpena**

### **12/2009 espedientea**

Vitoria-Gasteizen, 2011ko martxoaren 28an.

Euskal Autonomia Erkidegoko Ekonomia Ituneko Arbitraje Batzordea Carlos Palao Taboada jaunak –lehendakaria– eta Isaac Merino Jara eta Francisco Javier Muguruza Arrese jaunek –batzordekideak– eratzen dute, eta Arbitraje Batzorde horrek zera

## **ERABAKI DU**

Bizkaiko Foru Aldundiak Estatuko Administrazioaren aurka planteatutako gatazkari buruz, ENTIDAD SL (IFZ: ..... ) zergapetuaren helbide fiskalaren aldaketari dagokionez. Gatazka Arbitraje Batzorde honetan izapidetu da, 12/2009 espediente zenbakiarekin.

## **I. AURREKARIAK**

1. Gatazka hau Bizkaiko Foru Aldundiak planteatu zuen, 2009ko urriaren 23ko idazkiaren bitartez. Agiria egun horretan bertan sartu zen Arbitraje Batzorde honetan. Idazki horrekin batera, beste zenbait idazki ere erantsi ziren, batez ere urriaren 20ko data duen Txostena. Bertatik, jarraian laburbilduko diren aurrekariak bildu ditugu:

1. 2007ko azaroaren 20an, Bizkaiko Foru Ogasunak ENTIDAD SL entitateari helbidea aldatzeko proposamena bidali zion ZAEAREN Euskal Autonomia Erkidegoko Ordezkaritza Bereziari. Aldaketa Bilbotik (AAA kaleko ..... zk.)

<i>Esp.</i>	<i>Ebazpena</i>		<i>Eragindako Administrazioak</i>		<i>Kontzeptu</i>
12/2009	R8/2011	28/03/2011	<i>Estatuko Administrazioa</i>	<i>Bizkaiko Foru Aldundia</i>	<i>Administrazio demandatuak amore ematea</i>

Burgoseko probintziara egitekoa zen, 2006ko martxoaren 1eko atzeraeraginezko datarekin. Proposamen hori Bizkaiko Foru Ogasunaren Zergak Ikuskatzeko Zerbitzuak 2007ko azaroaren 5ean egindako txostenaren ondotik egin zen.

2. 2009ko urtarrilaren 5ean, ZAEAREN Euskal Autonomia Erkidegoko Ordezkaritza Bereziak idazki bat bidali zion Bizkaiko Foru Ogasunari. Bertan, egokitzat jo zen helbide aldaketa Burgosera egitea (BBB etorbidea, ..... zk.), baina proposatutako atzeraeraginaren data gaitzetsi egin zen.
3. 2009ko martxoaren 13an, Bizkaiko Foru Ogasunak berretsi egin zion bere proposamena ZAEAREN Euskal Autonomia Erkidegoko Ordezkaritza Bereziari, 2006ko martxoaren 1eko atzeraeragina barne. 2009ko irailaren 24an, ZAEAREN Euskal Autonomia Erkidegoko Ordezkaritza bereziak erantzun egin zuen, helbide aldaketa onartuz baina, berriro ere, proposatutako atzeraeraginaren data gaitzetsiz.

2. Bizkaiko Foru Aldundiak planteatutako gatazka izapidetzeko onartu zuen Arbitraje Batzorde honek 2010eko abenduaren 20an. Ondorioz, Estatuko Administrazioari alegazioak aurkez zitzala eskatu zion Batzorde honek, espedientea azaldu baino lehen.

3. ZAEAK alegazioak egin zituen 2011ko otsailaren 9ko idazki bitartez. Idazki hori 2011ko otsailaren 11n sartu zen Batzorde honetan.

## II. ZUZENBIDEKO OINARRIAK

1. Alegazioen idazkian, ZAEAK baieztatu egiten ditu, funtsean, adierazi diren alderdiak, hau da, gatazka planteatu zen unean eztabaida helbide aldaketaren atzeraeraginaren datara mugaturik geratu zela, ZAEAREN Burgoseko eta Bizkaiko Ordezkaritzek egindako txostenetan onartu egin zelako azkenean helbide aldaketa baina ez proposatutako atzeraeraginaren data.

<i>Esp.</i>	<i>Ebazpena</i>		<i>Eragindako Administrazioak</i>		<i>Kontzeptu</i>
12/2009	R8/2011	28/03/2011	<i>Estatuko Administrazioa</i>	<i>Bizkaiko Foru Aldundia</i>	<i>Administrazio demandatuak amore ematea</i>

2. Hala eta guztiz ere, Zergei buruzko 58/2003 Lege Orokorraren 48.2.b) eta Ekonomia Itunaren Legearen 43.4 artikuluetan xedatutakoa aipatu eta gero, zera ziurtatzen da: “prozedura honek iraun bitartean ezagutu diren datu berrien ondotik, orain arte edukitako irizpidea aldatu da; ondorioz, [...] BFAren nahiak onartu dira eta, beraz, izandako inguruabarren ondotik, ez dago gatazkarik atzeraeraginaren datan helbide aldaketaren eraginei dagokienez”.

3. Azken batean, beraz, ZAEAk dio onartzen dituela Bizkaiko Foru Aldundiaren nahiak eta, ondorioz, “ZAEAREN adostasuna onartzea” eskatzen da, “entitatearen helbidearen eraginetarako atzeraeraginaren data 2006ko martxoaren 1ean finkatuz [...], bi alderdiak ados daudelako helbide aldaketaren bai tokian, bai atzeraeraginaren datan. Ondorioz, gertatutako inguruabarrengatik gatazkarik ez dagoela aintzat hartzea nahi da”.

4. ZAEAREN eskaera Arbitraje Batzorde honek “egun gatazkarik ez dagoela aitortzeko” bidera ezina da zorrozki, izan ere, gatazka ez da prozedura hau besterik. ZAEAREN eskaera hori, egiatan, bat dator bere nahian atzera egitearekin edo, zehazkiago esatearren, Bizkaiko Foru Aldundiaren nahiaren aurrean amore ematearekin, izan ere gatazka administrazio horren aurka planteatu da eta ez da bera izan gatazka planteatu duena. Amore ematearen irudia, ordea, ez da aurreikusi Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legean, abenduaren 28ko 1760/2007 ED bidez (azken horren 8. artikuluan xedatutakoarekin bat etorrira) onetsitako Batzorde honen Araudiari dagokionez ordezeko modura aplikatu behar dena hain zuzen. Aldiz, irudi hori ageri da Administrazioarekiko Auzi Jurisdikzioa Arautzen duen uztailaren 13ko 29/1998 Legearen 75. artikuluan. Lege horren 2. idatz-zatiak zera xedatzen du: “Demandatuek amore emandakoan, epaile edo auzitegiak, beste izapiderik gabe, demandatzailearen auziekin bat datorren epaia emango du, non eta horrek ez duen ordenamendu juridikoa nabarmen hausten...”.

AJAPELen jasotako irudia, eskubideari uko egiteaz gain, hemen aplikagarri ez dena, atzera egitearena da. Lege horren 91.2 artikulua zera finkatzen du: “Administrazioak bete-betean onartuko du atzera egitea edo uko egitea, ez du prozedura amaitutzat

<i>Esp.</i>	<i>Ebazpena</i>		<i>Eragindako Administrazioak</i>		<i>Kontzeptu</i>
12/2009	R8/2011	28/03/2011	<i>Estatuko Administrazioa</i>	<i>Bizkaiko Foru Aldundia</i>	<i>Administrazio demandatuak amore ematea</i>

emango, beste interesdunik aurkeztu bada eta, atzera egitea jakinarazi eta hamar egunetan, prozedura aurrera eramateko eskatzen badute interes horiek". Atzera egitea, prozedura amaitzeko modu bezala, aplikatu izan du jada Arbitraje Batzorde honek aurreko beste prozedura batzuetan. Horietan, gatazkaren hartzaile izandako Administrazioak amore ematen zuen esanbidez Administrazio sustatzailearen nahien aurrean. Horren adibide da abenduaren 20ko 2/2010 ebazpena, 34/2008 espedientean emana. Amore ematerakoan ez bezala, atzera egiten denean ez da beharrezkoa administrazioak esanbidezko adierazpena egitea gaiaren muinari dagokionez, nahiz eta horrek, noski, ez dituen aldatzen ebazpenetik etorritako benetako ondorioak.

Horren ondorioz, Arbitraje Batzordeak zera

### **ERABAKI DU**

- 1º. ZAEAREN amore ematea onartzea Bizkaiko Foru Aldundiak ENTIDAD SL (IFZ: ..... ) erakundearen helbide aldatetari buruz planteatutako gatazkan.
- 2º. Jarduerak amaitu eta artxibatzea agintzea, eta baita xede horretarako bidalitako dokumentazio guztia itzultzea agintzea ere.